

Universitât dal Friûl: si rinfuarcis il filon aeronautic

Il neu retôr De Toni al incuintre i vertiçs de Universitât dal Salent e dal Malignani di Udin.

Si rinfuarcis il filon di competence in cjamp aeronautic dentri de universitât dal Friûl. Nassite di spin off universitaris cun industriis di prin plan in Italie e in Friûl Vignesie Julie, colaborazion cul istitût Malignani, in sens storie tant atif in chest setôr, ativitât di fâ insieme cu la Universitât dal Salent, za di agns operative intal ambit aerospazial: a son che-sej cierts dai progiets che il retôr de Universitât di Udin, Alberto Felice De Toni, al à discutût cun Domenico Laforgia, retôr de Universitât dal Salent di Lecce, e Ester Iannis, dirigjent dal istitût "Malignani".

«L'obietif al è chel di valorizâ lis ecelencis tecnologjichis intal nassint setôr dal "virtual engineering & manufacturing" – al scelaris De Toni – che ben al maride lis esigjencis industriâls pre-

sintis cu lis competencis di ingegnarie e Ict». Ecelencis che sedi la nestre universitât sedi chê dal Salent a possedin in maniere complementâr, in graciis di densis di spin off atifs e la disponibilitât di laboratoris di ricercje, anje al servizi dal teritori.

La integrazion des competencis de aree de ingegnarie industriâl e de informazion, e di chês des areis technichis e industriâls a puedin cussi cuvierzi la domande di industriis tant che Electrolux, Danieli, GE-Avio e Selex ES, di là di Finmeccanica, leader intes tecnologjiiis eletronicis e informaticis aplicadis ai sistemis di difese e al aerospazi, in plui che ae produzion di velivui a pilotaç lontan, progjetâts soredut inte sede di Ronejis di Legjonaris (ex Meteor).

«LA Universitât dal Salent e met

a disposizion lis sôs consolidadis colaborazions cun industriis intai setôrs de ingegnarie mecaniche, de informatiche, de energie e des biotecnologjiiis – al sotlinee il retôr Laforgia – di là dai laboratoris di ricercje costruîts intune logjiche public private che si incalme un grant tacuin di progiets di ricercje nazionâls e europeans e ae ativitât intal ambit dai distrets tecnologjiiis intai setôrs Ict, aerospazial e de energie».

Fondamentâl, infin, la colaborazion cul Malignani, l'istitût udinês storic che, di là dal diplome di aeronautic, al è l'unic in Italie a dâ ai siei students anje la licenze di mantignidôr aeronautic. «Il nestri obietif – e evidenzie Iannis – al è formâ diplomâts aeronautics technics des technichis di certificazion dai prodots aeris e di certificazion de manutenzion



De çampe, Domenico Laforgia, Ester Iannis e Alberto Felice De Toni

di velivui, cuntune atenzion anje ai velivui cun pilote lontan, chei che ur disin drons, impuartants pal futûr de aeronautiche. La ativitât di puartâ indenand in-

sieme cu la universitât e je fondamentâl e e podarès cjatâ plene realizazion anje cul complementament infrastruturâl dal aeropuart di Cjampfuarmit».